

# Cyhoeddi papurau cyfarfod Bwrdd yr Asiantaeth Safonau Bwyd ar gyfer mis Medi 2024

Bydd y cyfarfod yn cael ei gynnal yng ngwesty Holiday Inn West, Peterborough, a'i gadeirio gan Gadeirydd yr Asiantaeth Safonau Bwyd (ASB), [yr Athro Susan Jebb](#).

Bydd yn dechrau am 9am, ddydd Mercher 18 Medi, ac mae croeso i'r cyhoedd fod yno'n bersonol. Gallwch hefyd [gofrestru i'w wylïo ar-lein](#).

Mae agenda'r cyfarfod hwn yn cynnwys:

- Diweddariad ar berfformiad awdurdodau lleol
- Sicrhau Cydymffurfiaeth Busnesau
- Labelu alergenau rhagofalus a throthwyon alergenau
- Diweddariad blynyddol ar Wyddoniaeth yr ASB
- Adroddiad blynyddol ar les anifeiliaid – 2023/24
- [Diweddariad gan Gyfarwyddwr yr ASB yng Nghymru](#)

Mae'r agenda lawn a'r papurau sydd wedi'u cyhoeddi ar gael ar [dudalennau'r Bwrdd](#) ar ein gwefan (Saesneg yn unig).

## Sut i gofrestru ar gyfer cyfarfod agored y Bwrdd

Bydd cyfarfod y Bwrdd ym mis Medi 2024 yn gyfarfod agored, ac edrychwn ymlaen at groesawu aelodau o'r cyhoedd sy'n gallu bod yno'n bersonol. Yn ogystal, gallwch [gofrestru i wylïo'r cyfarfod yn fyw ar-lein](#).

Os oes angen help arnoch i gofrestru, neu os oes gennych unrhyw ymholiadau, cysylltwch â ni:

- Ffôn: 01772 767731
- E-bost: [fsaboardmeetings@onetwo.agency](mailto:fsaboardmeetings@onetwo.agency)

## Cyflwyno cwestiwn

Mae Bwrdd yr ASB yn croesawu cwestiynau ar y papurau sy'n cael eu hystyried ym mhob un o'i gyfarfodydd.

Rydym yn awyddus i sicrhau, cyn belled ag y bo'n ymarferol, fod cwestiynau'n cael sylw yn y drafodaeth yng nghyfarfod y Bwrdd, felly mae'n bwysig bod yr ymholiadau mor gryno ac eglur â phosib.

Dylai cwestiynau ymwneud â phapurau'r Bwrdd a gyhoeddwyd cyn y cyfarfod. Ni fydd cwestiynau nad ydynt yn ymwneud â phapur ar agenda cyfarfod Bwrdd yr ASB yn cael sylw yn ystod y cyfarfod, ond byddant yn cael eu hateb ar wahân ac yn ysgrifenedig.

Bydd pawb sy'n anfon cwestiwn ar gyfer cyfarfod y Bwrdd hefyd yn cael ateb ysgrifenedig o fewn 20 diwrnod gwaith i'r cyfarfod. Cyhoeddir yr atebion ar ein gwefan ar y dudalen berthnasol

ynghylch Cyfarfodydd Bwrdd yr ASB.

Gallwch gyflwyno eich cwestiynau hyd at 5pm, ddydd Llun 16 Medi, gan ddefnyddio'r [ffurflen hon](#).  
Ar ôl y dyddiad hwn, ni fyddwch yn gallu cyflwyno cwestiynau a bydd y ffurflen yn cau.  
Sylwer bod togl iaith ar frig y ffurflen, ac y gallwch ddarllen y ffurflen a chyflwyno cwestiynau yn Gymraeg.